

中武  
187  
3





門中武  
號 887  
卷 9

救偏瑣言卷之六

申明貫珠攢簇怪症



在乎稀。得勻朗散布。雖多何害。若連串貫珠有  
形相似。而雜乎其間者。若堆聚攢簇。有象可名。而間  
乎其內者。有一於此。空地雖多。亦何取焉。須知梟毒  
深藏。氣血鋼閉。毒無領戴。不得透。故多隙地。內却  
受其殃。其貫珠攢簇者。梟毒衝突。氣血不能駕馭。一  
任毒之縱橫。凝結成條者。外見連串貫珠。團結成塊  
者。外見堆聚攢簇。誠中形外。信不誣也。是毒頑而不



鬆伏而不透。猶賊之巨魁也。此毒不治。諸痘皆為抗  
 拒。治不以攻。治之何益。巨魁授首。前途不戰。有倒戈  
 之勢。然世於貫珠者。習矣不察。而多忽於攢簇者。歸  
 咎于命。而棄之焉。與言及此。亦慘甚矣。庶狀其圖象。  
 或得觸目經心。詳其治法。或得挽回萬一。未必無小  
 補云。

遊蚕

是痘貫珠成條。其形如蚕。故名遊蚕。有稀密。有長短。身上者輕。頭面者重。身上短而稀。所見無多者輕。長而密。更繁多者重。重則必攻。令鬆透如一赤豆莢。其毒方起。

疊錢

是痘圓圓攢簇。絕不成點。錢許之大。故名之也。僅見二三者輕。多見者重。重則必攻。亦以藥胭脂膏封貼。更和猪尾膏。入桑蠶于剗內透之。令毒如蒸餅。其毒方透。



燕窩

是痘攢簇累累。象似燕窩。而名者也。單見尚重。見而不。一者不治。急攻之。務令鬆透。如餅。其毒方化。以油胭脂調入化毒丹。用綿紙攤貼。更佐以猪尾膏。大桑蠶。

雁行

雁行者。狀似遊蚕。但曲而甚長。以其排行。而若雁字也。單見者亦重。不一者更重矣。攻之鬆若遊蚕。而毒化矣。





鼠跡



是痘或四五粒或六七點相簇如鼠跡故以是名無多者輕見於周身者重重則必攻今相併成泡其毒方鬆劑內調入化毒丹并猪尾膏。

珠殼



珠殼者其痘有頂而平四圍貼附一細圈宛如珠殼無多者輕及於周身者重重者必攻務令圓滿綻突其毒乃透。

蕪沙



蕪沙者其痘扁圓歪斜無頂無盤有細點如沙攢簇于囊宛似蕪沙而名之也可以數紀者輕徧及者重重則必攻務令高擡如芡實殼其毒纔化而成漿。

鳥跡



鳥跡者連串三條頭簇脚開其痘若鳥之跡也單見者輕五六處者重重者必攻亦如遊垂鬆透為準。

蟹爪



蟹爪者貫珠連串粒細一粒尖稍有隱隱黑絲如髮竟與蟹爪無異無幾者輕繁多者重重者必攻其形統脹成條而毒盡洩矣。

蛇皮



叢簇成片散漫無拘形似蛇皮而名之也見此不治或見點之初燈下照之隱隱簇簇細密無倫將形未形之際即便攻之佐以猪尾膏攻之不使其成庶可有為。

履底



履底者形似蛇皮不若蛇皮散漫耳隨處皆凶其形得小更得早圖庶可有為速以猪尾膏和入攻毒劑內并大棗蟲透之急以藥胭脂膏貼令得膿水淋漓方能慶生。

蟻窩



蟻窩者較疊錢而更大也另別其名者其形大其毒亦更重也即屈指無多毒已不淺攻之自不容已佐以大棗蟲猪尾膏外亦以藥胭脂貼之得鬆泛平擡方可成膿。




螺疔



其毒頭大根尖。頭黑。形若螺肉。深入于肉裡。有大小。有深淺。按其四圍板硬。治法見於餘毒。若放黑時。而即見者。最惡。先以桃鬆。即將應服之藥。大人含于口中。吮其數次。隨用法。

紫背



癰之形似萍。其色似萍之背。紫而帶點。有大有小。目之有點。手按無形。無幾便重。緊多者。莫救。急宜攻。毒破。務令漸淡。淡而退去。方可回生。必須早圖。

環珠



是痘連串環遠。故以是名。有臂因錫阻。痘即如錫而遠者。有項以圈繫。痘即如圈而聚者。於臂稍輕。於項則重。因阻猶重。無因更重。不特項臂為然。頭身亦行之。此見宜攻。

遊蚤治驗

一吾宗漣漪。四歲一愛。身熱如火。神情昏憤。兩頰通紅。鼻衄成流。身上隱隱數點。色滯乾紅。以必勝湯。減紅花地龍。加佗參。二劑後。紅中泛點。細碎如麻。周身稠密如鋪。而多遊蚤。珠殼亦間乎其間。前方服至三朝。兩頰界地未清。却成顆粒。滯色畧轉。每劑和大桑蟲一枚。六朝滯變為紅。色猶如絳。唇口腫裂。前方減蟬蛻葛根。加黃連石膏。七朝放白珠殼泛頂。九朝遊蚤統脹成條。時或咬牙腹痛。熱猶



火熾十一朝。頭收斂。而赤燥。身漿滿而盤暈。猶赤。神情尚困。而未舒。以一方貫及十六朝。發臭異常。二十朝。諸症頓愈。寢食得安。而收全功。後左眼赤痛多淚。以撥雲散治之得痊。

蟾窩治驗

張又卓兒。一小公郎。方一歲。一日壯熱如烙。徧體如霞。痘不甚密。色滯而平。有蟾窩見於手背。神情愁楚。不時叫哭。是腹痛使然。以消癍快毒湯。加大黃。臨服和桑蟲一枚。日服二劑。手背以胭脂封貼。六朝霞色清。愁眉散。手背鬆浮泛白。七朝氣尊血附。俱放白成漿。熱勢減半。去大黃。蟬蛻黃連。加連翹。依參。日服一劑。十二朝回好。

疊錢治驗

一錢氏子。四歲。痘在五朝。唇裂掀腫。體熱如火。頭面稠無隙地。身上疎朗。板實。羸紅。四肢胸脇。疊錢者不一而足。躁亂不寧。以涼血攻毒飲。加山查地丁。減犀角。和桑蟲一枚。日服二大劑。更以金汁日服。盡餘。外用胭脂膏封貼。至八朝。鬆泛如蒸餅。



十朝通身漿足。十二朝發臭收結。十四朝身熱始和寢食俱安。方易忍冬解毒湯收功。

珠殼治驗

韓及龍兒。一公郎六歲。乙未仲夏。一日忽體熱如燼。頭面通紅。神情昏憤。見痘稠無餘地。僅不細碎。盤若塗硃。內有珠殼幾半。以涼血攻毒飲。倍生地。大黃。去紅花紫草。加佉參地丁。四朝加黃連。每劑和大桑蟲一枚。五朝神情清爽。七朝珠殼皆透。減蟬蛻葛根桑蟲。九朝漿足。十朝紅暈漸淡。飲食漸進。頭面收結。十二朝壯熱方和。遂去大黃。減生地及半。十六朝回足。如此血熱不致帶火成痂。爬肌抓肉。大黃生地荆芥之力不淺也。後以忍冬解毒湯調治。落痂未久。腠理未固。餘毒亦未能盡淨。見風太早。忽爾昏暈。急以疏風消毒飲而愈。

鼠跡蘇沙治驗

吾宗儻如一子。一日身熱如火。汗出如油。神情困苦難支。似痘非痘。數點隱隱于頭面。色滯乾紅。痘本是而非非。且熱如火。汗如油。非惡痘不爾。以清



熱透肌湯。未用生地。加大黃。二劑後。次日頭面細碎如麻。身上見點處若集。隱伏處若無。此氣爲毒滯而通塞不均也。又二劑。頭面顆粒分明。色亦覺潤。汗卽頓收。徧體湧出。內間鼠跡。蘇沙。難以數紀。囊窠不鬆。色近于白。此血爲毒鬱而未著。非血虛白也。不則有一體兩局者乎。前劑每服。和大桑蟲一枚。五朝窠脚漸鬆。囊頂未起。色轉深紅。神情得定。熱不稍減。前方重以生地。加黃連石膏。至九朝頂綻。食稀粥碗許。十一朝鼠跡與蘇沙俱得統脹如泡。而漿俱濃。十四朝盤暈始淡。頭面收結。十六朝身得溫和。胃氣日強。方易忍冬解毒湯。調治至二十朝收功。弗藥。

鴈行治驗

有一段氏子。三歲。見痘三朝。兩顴細如蚕種。背多雁行。更有蘇沙間乎其間。椒紅其色。叫喊不已。熾熱如焚。以清涼攻毒飲。和桑蟲一枚。日服二劑。四朝顴卽成顆。六朝色卽紅活。八朝怪象俱統脹放白。十朝漿足。猶然愁楚不能進食。一方服及十四



潮。眉宇方舒。得進飲食。身體溫和。一朝霍然。收靨落痂而愈。

蛇皮治驗

一女年及十四歲。倏爾身熱如火。神卽昏憤。兩眼如畏刀鋸。徧體如霞。痘未及見。死期若將至矣。卽以大黃石膏一兩。生地七錢。佐以荆芥赤芍青皮葛根木通牛蒡。日投三頭汁。次日午後見痘。細似坭沙。色似礬硃。通身無一隙地。前方又服四劑。卽成點粒。却稠密如鋪。方叫腹痛。畧知人事。大渴不已。揭衣棄被。前方加黃連犀角。生地兩半。并大桑蟲服至九朝。始得紅潤。周身起脹。十一朝。貫漿連成一片。如松皮。不能轉側。大便日去四五次。水米不沾。十四朝發臭滿室。頭將收結。唇黑如煤。身若寒戰。熱仍如火。一方貫至十六朝。頓思飲食。夜臥得半。熱渴稍減。二十朝外。痂成一片。如蛻一殼。得脫此難。方易忍冬解毒湯。月餘全愈。約用大黃筋半。生地石膏二觔餘。是痘得治于未見之前。更得首尾一轍。庶得挽回。若令見點。其勢便成。牢不可



破矣。

蟹爪治驗

中介閔老先生。三公郎。方半週。痘出稠密如鋪色。滯乾紅。窠粒平板。內多蟹爪。身體壯熱。脉惕筋抽。時在二朝。以鬆肌透毒散。加大黃七分。和入桑蟲錢許一枚。日服二頭汁。次日粒數卽磊落。四朝紅潤。八朝鬆泛。九朝行漿。遂減大黃。十朝安臍。乳食如故。大便如常。收回而愈。

燕窩治驗

徐明涵一孫。身熱如火。燥炙如烟。兩頰通紅。頭面胸腹肩背四體。痘密無容針之地。頂陷囊實。乾紅紫滯。叢簇象燕窩者。在于大股。大便日去三四次。始事者。以斷無生理而勇退矣。余取其囊厚色老。雖密成顆。可奠者此耳。以大劑必勝湯。用大黃五錢。生地兩許。加石膏兩半。每服和一大桑蟲。日進二劑。服及六朝。頭面起脹。眼封鼻塞。八朝胸背鬆透。色轉紅活。頭面成漿。十朝燕窩統脹如蒸餅。身漿亦足。第熱猶火熾。愁楚未舒。自膝至脛。猶紫滯。



不鬆。至十四朝。腐爛作臭。漿及足脛。邪毒盡發于外。寢食頓復。方易忍冬解毒湯。成痂落靨。至十八朝。收功弗藥。用大黃一觔。生地石膏二十餘兩。痘後大便但嫌燥結。

烏跡治驗

吳大雍兄二公郎。八歲患痘。顆粒頗朗。有烏跡其形于肩背。兼多珠殼。囊窠通身平實。乾紅色滯烈。熱如炮。愁容可掬。云胸膈煩悶難堪。以涼血攻毒。飲重以大黃加石膏地丁山查四劑。後胸膈漸寬。滯色漸活。第紅艷若絳。前方加黃連并大桑蟲。每服和入一枚。又六劑。頭面通身起脹。鼻塞眼封。惟烏跡與珠殼未鬆。毒根猶未透也。更倍以大黃地丁加山甲。至八朝。珠殼者圓綻如珠。烏跡者統脹成條。九朝膿漿克滿。飲食大進。大便不過三四次。終是燔熱不減。紅暈燉赤。前方減山甲蟬蛻紅花。倍以石膏生地。服及十朝。熱漸減。赤暈漸淡。頭漿斂而身漿徧。減石膏大黃。十二朝收痂過半。險變順矣。是晚徹夜不寐。氣粗頓悶。腹脹如鼓。變出意



外。若以爲伏毒未盡。而囊無不綻。漿無不滿。若以  
爲餘毒歸內。而血收已盡。痂厚而肥。決之于脉。氣  
口洪滑有力。知其飲食停滯。究之果然。以寬中透  
毒湯。減陳皮。加萊菔子大腹皮。外用山查二兩。麥  
芽一兩。煎湯代水。服二頭汁。腹卽轉動。隨解而寬。  
嗣以忍冬解毒湯調治收功。

頭面遊蚕治驗

同袍鍾徽老。九歲一公郎。見痘一朝。體不甚熱。囊  
窠不鬆不實。痘色不潤不乾。痘頗疎朗。似乎險中  
之順。及神情則愁楚異常。云胸膈鬱悶。目睛昏定。  
身無安放。此伏火伏毒之兇象也。以必勝湯去桃  
仁生地。連投二劑。次日額上發起寸許血絲兩條。  
一橫一直。如反手丁字。此非尋常血絲路也。貫珠  
而未能透耳。更以猪尾膏每服和入盞許。又二劑。  
至晚漸粗如線。繼而更粗如芥。仍以前方和大桑  
蟲。每服一個。五朝方透。點于血條。密排二十餘顆。  
遊蚕最惡者也。身體大熱。紅暈如硃。胸膈稍舒。原  
用生地。減紅花葛根蟬蛻。加黃連石膏。大便日去



五六次。飲食未思。至九朝。諸痘峻頂。放白成漿。其遊吞亦統脹成膿。纔撒猪尾膏。寢食得半。熱勢未減。前方服及十二朝。胃氣大開。夜臥甚熟。體漸溫和。漸次收結。而且嘻笑自若矣。前方減大黃石膏黃連。加金銀花貝母。次日忽然昏暈。神色俱變。按脈無影。變出意外。然以如是收局。自非隱毒攻心。尤非真元虛脫。須知遊吞既見于頭面。而第見血絲。越三日而後見點。此毒伏而又深。故前局乃爾。結局亦自宜有此變。餘毒驟湧。一時難以發洩。是冒悶之使然。猶傷寒冒汗之象也。仍以發始前方。連接二大劑。發出如芥如麻血疹一身。卽時開爽而安。又以消癍快毒湯二劑。嗣以奏凱和鮮飲。調理全愈。喜主人明理。始末信從。不則未必不致虧于一簣也。

履底治驗

有馮其姓者。江右一遊客也。年踰不惑。一日壯熱。煩渴。目紅腹痛。冲冲欲嘔。疑以感寒。烹茱萸湯一碗。下咽。俄頃煩渴倍甚。吐出血水碗許。內有血絲。



邀余診視。其太陽有二三點是痘。顆粒不鬆。乾紅色滯。余曰。兄痘矣。此翁愕然曰。痘果未曾。今在客館。奈何。余以無恙慰之。連投消痲化毒湯。用大黃三錢。二劑後。湧出一身。細者半。粗者半。紅艷如硃。稠密如鋪。熱更如炮。倍以大黃。又加石膏。并生地俱兩許。臨服和猪尾膏半茶碗。日投二劑。次日三朝。痘卽疎朗。細碎者不知從何去矣。色亦可觀。煩渴減半。而熱仍熾。有履底者三寸長。寸餘闊。見于兩小股。按之板實而痛。以胭脂封貼。前方配大棗蟲每一服一枚。六朝取封鼻塞。八朝行漿。履底鬆擡。前方減蟬蛻。桑葉。加牛膝。十二朝忽思粉食。以糯米水圓食之。廿。神情爽朗。自上而下。次第收結。履底成膿。減大黃石膏。加金銀花貝母。十四朝兩小股腐爛作臭。廿餘朝全愈。

環珠治驗

一兒三歲。忽身熱如炮。膚紅若錦。煩躁啼號。次日痘卽湧出。稠無隙地。兩頰如泥砂。乾紅滯色。臂上銅錢。痘如纍珠。鬚子。密密環遶。又有錢許大者。七



在于肩。一在于脛。窠粒板實。界地連環。紫滯。以必  
 勝湯。減蟬蛻地龍。加黃連。止服二劑。次日頭面周  
 身卽疎朗成顆。色俱明潤。痘若改換。惟四處蒙珠  
 形色如故。症亦未減。以一方服。及十二朝痘得次  
 第應手。症亦逐日平復。以忍冬解毒湯。調治收功。  
 其下圖像

指貫珠攢聚或見於頭面或見於周身部位者也

覆釜



兩截



是痘盤聚寸庭頭如釜之覆釜  
 曰覆釜。是毒參陽位之一症也。  
 其餘疎朗明潤者。以鬆肌通聖  
 散和猪尾膏化毒丹治之。外用  
 胭脂膏搽貼。更稠密火熱者。必  
 加大黃。令膿水腐爛其毒方化。  
 是痘上與下。綿密如鋪中段絕  
 無一點。暴毒擁于上下。氣血阻  
 于中宮。以致上下隔截。痘之最  
 惡者也。首尾一以攻毒為主。佐  
 以猪尾膏地龍。令氣血疏達。要  
 截處得散散透點。方可挽回。



蒙頭



腰經



托腮



鎖口



是痘遠頭貫頂，有似兜帽，故名蒙頭。毒發陽位之首惡也。餘更稠密火熱者不治。治則必攻。與覆釜同法。必早圖可挽。有獨聚于天庭者，亦是蒙頭。餘若疎朗，潤體不熾熱者，不必用大黃。腰者，腎之候也。連串環繞於此，緣毒伏於腎，而有此象。貫珠之最惡者也。餘即疎朗，不得視以為美。治必以攻。得此鬆擡，統成一圈如豇豆莢，方不為害。不則痘縱可觀。九朝忽然悶亂變焦鎖下亦腎經所屬。痘瘡攢成一片，是為托腮。清氣為其所阻，頭面必不能起。身更可知。痰湧氣喘，可立而待。從來不治。若見點之初，毒勢未成，以治蒙頭之法治之，亦可救。援一二速宜封貼。雙鎖口者，兩口角左右一粒。較旁痘獨大，板實而無盤者是也。此毒擁于脾，而有此象。口乃脾之竅，飲食接送之門。可令毒藏此地乎。治法輕重，與覆釜一轍。有連串遠于上下唇畔，亦是。



瘡癤連串環繞于此。是毒鎖咽。喉與托腮無異。咽啞水瘡皆由。此致。俱屬不救。但得放點之初。卽以清金攻毒飲。并猪尾膏。杜患于將剪。容有可起。

鎖項



攢背



鎖唇



蒙髀



項係水穀之路。呼吸出入之門。瘡癤連串環繞于此。是毒鎖咽。喉與托腮無異。咽啞水瘡皆由。此致。俱屬不救。但得放點之初。卽以清金攻毒飲。并猪尾膏。杜患于將剪。容有可起。毒發於背。便關生死。况痘攢簇。隨地皆凶。而可令此地犯及乎。攢而得鬆者。以鬆肌透毒散。合化毒丹。猪尾膏治之。外以胭脂膏貼。攢而更板。壯熱如火者。必收。須得腐爛。方可變生。唇者。脾之華。脾臟安和。痘不相及。更得溫潤。不則攢聚于此。有黃熟如蠟。有峭突如雷。有黑硬燥裂而血逆。皆毒攻于脾。象見于唇。如無他症。瀉黃散合猪尾膏治之。更壯熱如炮者。必攻。痘攢簇于耳後高骨。是謂蒙髀。亦腎經伏毒之一徵也。頭面餘處皆稀。止此犯忌。以鬆肌透毒散。加參合化毒丹。猪尾膏治之外。用貼法。更稠密而炮熱者。必攻。

文編頁三  
卷六  
申明怪痘  
惠世堂



披肩



披肩者。如其肩而兜聚也。較之於背稍輕。然臟腑真氣所聚之處。卽鼠跡蕪沙。尚屬可畏。而况攢布成片乎。此毒不鬆。真氣鋼閉。上下阻寒。治與攢背同法。

抱鬚



鬚接太陽。泉毒起伏。於此取驗。痘症若重。鬚極稀疎。必此地掀腫如蓮瓣。以及正面腫脹如毬。赤根方透。不則此地不脹。卽通身光壯。毒根猶伏。厥後終敗。可令犯忌于此乎。治法與蒙眈同。

坐鱗



鱗坐者。其醫攢集如鱗也。火屬環跳部位。又至陰之地。故發漿不過環跳者不治。平而乾滯者。鬆肌通聖散。加牛膝。板而紫滯。且熾熱者。涼膈攻毒散。減豆根。亦加牛膝。俱合化毒丹。并貼法。痘得陰陽和暢。雖密無咎。陽毬乃下焦陰陽交會之所。故陰上先收者吉。取其下焦和暢也。於此若囊毒壅交會可知。上下相因。下壅則上閉。治以散結湯。化毒丹。熾熱者加大黃石膏。

囊毬





覆釜治驗

歐餘方老先生。三歲一公郎。痘頗疎朗。却色滯乾紅。右平有陷。顆粒不鬆。至巔頂盤集。覆釜其形。是毒參陽位之一症也。以鬆肌透毒散。和大桑蟲。雖見起發。不能光壯。早欲用豬尾膏化毒丹鬆之。因與一不韻者同事。阻及七日期。滯而更燥。陷而漸板。愁容可掬。不容復緩。前方減羌防。加荆芥當歸。臨服和豬尾膏。并化毒丹。連投二服。外用州脂膏。搽貼身。卽壯熱。頭而掀腫。通身光壯。却徹夜無眠。

以毒火潛伏日久。藥與鏖戰。以故不寧。藥得其勝。氣血暢達。故得煥發。不韻者。不諳是理。第見擾亂。歸咎于生豬血而致變。料不能起。勇退而去。舉家悲泣。孰知豬尾膏。最能透伏毒之深藏。毒血內瘀。若此不活。更有化毒丹。潛消默奪。而共濟之。毒根自不容藏。次日卽安睡。九朝漿行。壯熱如燔。前方減白芷蟬蛻蜂房。加黃連生地。十一二朝。漸漸收痂。豬尾膏遂撤。巔頂燥痒之極。仍不能寐。以荆芥穗金銀花茵陳。大黃地丁甘草煎湯。止浴其頂。拭



乾復以胭脂膏貼而痒即止。仍復貫漿堆結甚厚。餘熱未和。痘痂亦燥。前方倍加生地。臨服調牛黃半分。珠末一分。日進二服。至十五朝。日漸回和。且內生疔。以忍冬解毒湯外。用消疔散。又數日全愈。

### 蒙頭治驗

孝廉王乃老。一公郎。未及三歲。體薄而兼病後。及見痘。蒙頭鎖項。攢胸攢背。兩額細碎。滿腹斑點。皆紫背浮萍。痘色晦滯。宛似蒙垢。痘犯不治。不一而足。所希冀萬一者。惟在初見。毒未存定位耳。以必勝湯。臨服和猪尾膏。蓋許。外復以牛黃半分。珠末一分。總勻在內。日服二劑。次日色即有紅意。兩額便成顆粒。四朝胸背覺磊落。鬆綻。惟頭與項布而不清。却亦鬆泛。腹斑漸淡。漸退。六朝浮萍悉退。前方減葛根桃仁。八朝漸漸放白。但寢食俱艱。眉宇愁蹙。九朝漿行未能克溢。時或乾嘔。身熱驟熾。聲音半啞。以毒火湧洩也。以涼膈攻毒飲。十朝頭面夾紙鬆擡。有膿漿滲漏。身漿幾足。十二朝收痂少潤。寢食僅半。眉宇未舒。十六朝燥痂復泛。口内生



瘡以消瘡解毒散日飲三四次二十朝外方得全愈。是痘始以必勝總微涼瀉佐以豬尾膏化毒丹。總以攻毒導瘀而保元。拓裏腐談從不講及。痘得保全而卒無虧乎本體。見有病病受如此。

兩截治驗

予一孫歲未滿週。仲冬一日忽然發搐。目眼歪斜。周身肉爛筋惕。兩眼傍徨。以清肝透毒散加羌活。臨服調入牛黃丸七分。灌下逾時神醒。身即壯熱。次日便見痘。頭面細密如麻。上自肩至乳。下自臍至足。稠無隙地。但得成癩中段絕無一點。此兩截痘也。日夜叫喊不已。急以必勝湯減桃仁。加當歸。佐以豬尾膏。日進二頭服。四劑後大便去毒垢甚多。頭面便成顆粒。身上漸得粗壯。大便日頻。晝夜約去三十餘次。繼之清水若湯。夜即安睡。遂減大黃。至晚仍復叫喊。痘即奄駐。不得已而復用。晚又安睡。次日漿勢沛然。乳食大進。食之以糯米細圓。甚喜。十朝頭面堆結甚厚。但欠肥潤。神情大快。第身熱未和不免。以大熱一退。虛寒繼至。為虞。大黃



不敢復用。停及一日。燥痒難禁。滿面搔破。熱血成流。又喊不絕口。與食則拒。要其所以然者。以痘犯兩掖。壅塞固閉之毒。餘氛未殄。害仍竊發。不得以輕鬆者概論也。力主前方。第減葛根。紅花。蟬蛻。加石膏。佐參黃連。是方服過十六朝。始得全愈。冒口甚。滋痘後精神頗旺。

攢背治驗

雒城臧以用兒。顧渚老先生之孫也。幼時出痘。犯攢背。頭面稠密如鋪。肩背以上。紅深如絳。以下紫若胭脂。身體燔熱。神情昏憤。以必勝湯。用生地兩許。減紅花。加石膏黃連。白三朝服。及七朝。大便日去四五次。通身色轉紅潤。背得鬆浮。減葛根。至十朝。頭面漿足。背得腐爛作臭。餘亦成漿。唇黑如煤。熱猶火熾。一方服至十四朝。全愈。時有同事。日以脾胃為慮。余曲諭之。得不拒。有成。

鱗坐治驗

一邢姓者。六歲一兒。痘及五朝。全不起發。日夜躁亂。如蚓在灰。舉家涕泣。以為必斃。痘頗疎朗。按之



不鬆根窠紫滯頂陷而黑。至環跳處攢聚如掌。犯  
鱗坐形。伏毒深藏。抗拒諸痘。始事者。但知疏肌透  
發。而不諳其故。毋惑乎暢達無由。日奄滯而至猖  
獗也。急以窮源透毒散。和猪尾膏。連長二劑。更以  
大桑蟲酒漿調服二枚。外以胭脂膏貼。次日便覺  
鬆泛。又二劑。七朝痘印峻頂成漿。神即安爽。但環  
跳處鬆而未腫。服及十朝漿湧。連紙鬆擡如蒸餅。  
嗣以忍冬解毒湯。十二朝收結成功。

纏腰治驗

一徐氏女。四歲痘期兩日。甚勻朗稀疎。却陷而不  
鬆。紫而乾滯。身熱如烙。兩腰貫珠環繞。而犯此症。  
是毒伏于腎。貫珠之最惡者也。日期尚淺。餘痘尚  
疎。猶可挽回。恐此翁不明是理。辭之弗任。不期此  
翁止此一女。豫爲痘計。屬意已專。以予弗任。大慟  
哀懇。情甚悲切。以必勝湯。加牛膝黃連石膏。稍用  
炒黑麻黃以行之。并和猪尾膏。連服二頭汁。腰痛  
難忍。繼之于汗。而欲解。解後而痛即止。便云爽快。  
次日三朝。凡服藥後。景况亦復如此。至八朝而痛



不作矣。然其所以然者，伏毒之症，犯幾朝敗者，日期未至，毒雖暴烈，猶未作難，以其尚伏也。故爾得安。時師不諳而多忽，殆至發難時，毒已潰而無及矣。見于機先者，攻之而不容其伏，毒又盛而未肯遷降，藥毒應戰，自不能寧。至於藥力戰勝而貼然矣。何痛之有。嗣後放白成漿，腰間纏毒，統脹如連殼豇豆漿，亦滿圍，但熾熱未和，飲食未半，前方減蟬蛻、桃仁、葛根、紅花、麻黃，服及十二朝，日漸回和，收結全愈。

### 托腮治驗

吾宗叔澹五歲，一愛烈熱如爐，不及一日而痘即見于地角，頰下細如針頭，而色近白，托腮之象未成。托腮之類已露，正面周身所見，俱不成粒，色多紫紅，徹夜躁亂，將來攢簇惡象，皆可有者。痘鄰於逆，所冀者惟在初見，以必勝湯減桃仁，加石膏、玄參，日服三大劑，頭汗即用胭脂膏封貼。次日正面與身，即成顆粒，却無隙地，是方和大桑蟲，每服一箇。五朝神情得安，七朝圓綻肥紅，地角頰下隔紙



鬆綻亦得纒纒。前方減蟬蛻乾葛。十朝漿甚克滿。惟壯熱未和。盤暈嫩紅。飲食不進。大便日解五六次。皆赤垢。十一朝正而堆沙。漸次收結。以及周身。十三朝胃氣頓開。痘痂尚燥。紅暈未得全收。服至十六朝諸象回春。始終以一方成之。繼以忍冬解毒湯加生地。二十朝全愈。弗藥。約用大黃二十餘兩。石膏二觔。

囊毬治驗

一李氏子。三歲。見痘兩朝。色似胭脂。頂陷不鬆。火熱如烙。煩渴不已。至陽毬攢簇。宛若荔枝。瑕內求瑜。惟磊落耳。以消癰快毒湯加大黃石膏桃仁地丁山查服及五朝得鬆。六朝紅活。猶然絳色。前方減桃仁蟬蛻。九朝漿足。紅暈未淡。熾熱復然。時生地已幾十餘兩。黃連三兩餘矣。至十二朝熱得稍緩。紅暈畧淡。寢食亦以之而稍安。前方減石膏。十四朝先收者。疤赤而多浮皮。後結者。焦痂而紅暈猶附。體膚燥熱如初。夫固餘毒之先機也。不越二日。神即昏迷。從頭至足。於空地及疤內。重出一身。



似痘非痘。不成顆粒。脚地糊糝色。如塵垢。無一隙地。上則抱鼻而更層纒。以及人中。下復囊毬。以及小便。紫腫痛楚非常。仍不能寐。稀粥與之。則嚙不與。則不思。而痘復始矣。較前局更惡。此名謂禱杙。痘禱杙。乃惡獸。其性反覆。痘與相類。故以是名。此痘古來有之。第罕見耳。以窮源透毒散。減山甲。歸尾。加桔梗。牛旁生地。黃連。金銀花。青橘葉。臨服調牛黃化毒丹。錢許。四劑後。色漸紅。而猶滯。囊漸壯。而猶平。服及五朝。仍眼封鼻塞。七日行漿。通身漸漸堆沙收結。痂成一片。十餘日而褪。及過半。頭面黑硬堅牢。反不能落。其鼻聳抱如螺。拂及則痛。人中亦燥裂。逆血。其小便龜頭。於中段。腫處頂出。陽毬老靨。抓肉爬肌。眉宇不舒。餘熱不解。前方重於生地兩餘。黃連二錢。以金銀花湯煎藥。服及月餘。而熱始和。痂始鬆。以熟豬油調入官粉。泱其頭面。而得褪。改形換相。非初褪時面目矣。嗣後寢食俱安。調理收功。人中與陽毬。俱陰陽交會之地。惡毒上下開鎖。痘故如此。若不開關於前。亦烏覩其後。



局若此也。

抱鬢治驗

嚴君崧兄。小愛。歲未滿週。痘鄰于逆。先見於兩鬢。攢簇如麻。繼而頭面通身。徧及無餘。色近於白。而窠粒卒不鬆。體不甚熱。而神情卒躁亂。似虛似實之間。然虛者僞而實者真也。兼於脉惕筋抽。不時乾嘔。兩目預腫。而預合。種種皆伏毒之象。而况抱鬢其形。伏毒已先昭于前乎。一不韻者。認爲氣虛。痘反有隱意。勢甚猖獗。急以涼血攻毒飲。以當

歸易生地。減赤芍。加山查地。丁甘桔。和桑蟲一枚。

日服二劑。四朝頭面有鬆意。根窠稍有紅暈。眼腫減半。閃而復開。生機在此。七朝身體壯熱。頭面起脹。頂白根紅。眼封鼻塞。有行漿之勢。大便日去六七次。身尚復然。餘症未減。前方減蟬蛻葛根。原用生地。加黃連。服至十二朝。身得鬆透。寢食得半。下部痘瘡板實。皮肉擁腫如炊。前藥加牛膝羌活。更以牛黃化毒丹。日以五分佐之。并大桑蟲。至十八朝。身漿始沛。并及足脛。二十餘朝。上褪下結。前症



日愈。惟眉宇未舒。眼開有瞽。口内生瘡。頭角與小  
股起一大毒如拳。以忍冬解毒湯。加羚羊角羌活  
赤芍地丁胡桃。口內吹以消瘡散。至月餘全愈。約  
大黃四十餘劑。藥蟲大小約有六十。

申明惡色并治法

痘之色。血之見乎外也。血和則紅淡而潤。紅深如絳。  
則血熱之燄昭然。熱若鬱而不透。則火燄不發。而紅  
自乾。乾而至于色類椒皮。榮失其榮。而血幾於死矣。  
是紅之最惡者此也。熱劇則血瘀而色紫。紫而艷。雖  
瘀而猶可活。紫至于滯。則血被毒囚而內攻。幾成矣。  
是紫之不堪者此也。熱滯青蓮。可無擬治法矣。是紅  
是紫。皆熱毒肆虐。在所必攻。然攻有不同。當分隱見。  
其隱與見之分。總以身之熱與不熱辨之。身熾熱者。  
熱毒燔灼。其血沸騰。攻宜與涼血清火並行。大忌辛  
燥。卽當歸在所宜禁。以血中之辛藥也。體不熱者。熱  
毒固閉。如膠漆。攻宜與導瘀活血共濟。大忌寒涼。  
卽生地亦所宜禁。以血中之涼劑也。然辛燥尤不可  
櫻。總令血得其和。歸于紅潤。斯爲良法。



附紫滯治驗

張武老一繼愛三歲。一日熱如砲熾。次早即見痘。一齊湧出。稠無隙地。通身紫滯。神情躁亂。大渴不止。凡毒火燔灼於放標時者。是痘爲火裏苗。若不清其源。而但以疏肌透表爲發。勢必至焦黑而內潰矣。急以消癰快毒湯。加大黃石膏桃仁。服及六朝。色轉紅活。顆粒亦鬆。熾熱未減。至八朝晨刻放白。午刻而漿即肥濃。以見血熱之痘。患火不清。一清而轉移之象勃然矣。寢食猶未能復。外以牛黃一分。珠末二分。以佐前方。至十一朝發臭。熾熱頭和。寢食俱安。漸收漸結。痂似松皮。嗣後又發血瘋瘡。終不外涼血解毒之劑。調治而愈。

附絳紅治驗

顧佺仲兄韻翁老先生之公郎也。六歲時出痘。頗勻。朗粗綻。却紅艷如絳。燥多如火。腹內時痛。神情煩躁。徹夜不寐。此火炮于外。而內又毒伏也。以清涼攻毒飲。減紅花加赤芍。服至五朝。痛止肌潤。得濡。前方加甘草。至七朝。絳色漸淡。頂白而肥。八朝



漿卽肥濃。大便日解五六次。熱亦減半。飲食漸想。前方去大黃石膏犀角。加連翹佐參。十朝頭面先收。痂燥而白。根底猶附線紅。至晚身復壯熱。睡不甚安。是後來餘毒之漸也。復用石膏倍加生地。外以牛黃一分。珠末倍之。和於劑內。日進二服。至十六朝。俱得平復。後用忍冬解毒湯。調治收功。

附礬紅治驗

雒城臧玉老。八歲一孫。身熱如炙。口渴煩躁。痘甚稠密。而色礬紅。三日期矣。始事者若以升發爲透。乾而幾黯。躁亂愈甚。身無安放。以必勝湯。用大黃三錢。加石膏黃連。日服二大劑。五朝。頭面紅潤。身尚未轉。七朝。面部放白。行漿。通身乾而得潤。神情半爽。八朝。成漿。而迅速黃熟矣。漿近板黃。凡血熱之痘。烈火一透。漿無漸次。惟嫌太驟。漿無不滿。惟慮板黃。板黃者。火竭倒靨之象也。倍大黃五錢。石膏生地兩餘。三劑後。漿色潤澤。大便日去五六次。飲食稍思。熾熱未減。其外祖王氏至。見此藥劑。大以爲怪。停及一日。是晚躁亂如初。次日炮熱更熾。



身戰如寒。漿殆變而躁實矣。悉如前方。連接二劑。振戰卽定。再劑而漿色復潤。紅暈亦漸收。漸淡。服及十四朝。虐燄將熄。寢食漸安。遂弗藥。聽其自回。厥後通身泛疤。環跳處起兩癰。如拳。痛楚非常。以忍冬解毒湯。加羌活赤芍。服及十餘劑而愈。

附椒皮治驗

小莆黃元澄兄。一公郎。今之長公也。稟賦甚薄。時方二歲。出痘於癸酉春。體不見熱。徹夜擾亂。叫不絕聲。口膩如脂。痘無容針之地。晦色者如蒙垢。乾

紅者似椒皮。顆粒不鬆。此毒伏于內。體故不熱。叫喊擾亂。以氣血受錮。神故不著。晦色椒紅。表裏雙關。痘鄰於逆者也。法當攻其伏。不使毒橫於內。制其毒。使氣血發煌於外。庶得挽回於萬一。若以稟薄爲慮。縱毒肆虐。是不知務者矣。以鬆肌通聖散。加大黃減羌活白芷。以其燥也。臨服和豬尾膏半盞。服及三朝。如水交石。大便日去六七次。服卽矇閉。唇口腫硬。亦毒參陽位之一症也。前方佐以大棗蟲。每劑一枚。服及六朝。身體頓熱。唇黑如媒。痘



色變紅而却燥。仍以前方加生地黄連。減蜂房赤芍。至八朝。滯色悉退。放白而不能肥。煩叫依然。面腫若有退意。是伏毒未能淨盡。而氣血一時不能克達故也。權宜之際。減大黃青皮。用參七分。芪一錢。而暫充之。和入大棗蟲一枚。二劑後痘即肥泛。面即光榮。眼縫推脂。熱却如火。凡熱毒之症。乍虛乍乏。與虛寒之症不同。一喚即醒。醒當即止。今熱如火。雄烈仍在。以消癰化毒湯。減蜂房赤芍。日投二劑。外以牛黃一分。珠末二分。以佐之。服及十朝。

漿滿。十二朝黑嘴鬆褪。神情始安。乳食大進。痘痂終燥。身熱未和。服及十六朝。發臭臂與膝生兩毒。減生地加當歸金銀花貝母。廿朝外。俱得平復收功。

附紫艷治驗

有一朱姓之子。三歲痘在五朝。熱如火熨。痘色紫艷。若花內雞冠。唇裂迸血。亦紫。躁亂如蚓在灰。厥一父母涕泣。以為必無幸矣。然猶可冀者。面目掀腫。雖紫能肥。速以必勝湯。重以大黃五錢。生地兩許。



加石膏亦如其數。減紅花蟬蛻。服及七朝。紫變爲紅。繼卽放白成漿。次日便老。更喜烈熱漸解。前方去葛根桃仁紅花。加依參。重劑減半。又四劑回好。

申明四毒頂

痘貴綻而紅活。平平若烙炮者。其頂若熨而平。其色若熟而腐白也。痘貴氣尊而血附。下陷根腫者。頂若菜萐。而脚不鬆也。一平一陷均氣爲毒滯。一毒上壅而不得榮于囊殼。一毒下鬱而不得透于頂尖。治法皆所當攻。其熾熱者。重攻而寒之。熱不甚者。輕瀉而鬆透之。如煤類火燒者。其色焦黑。似乎火焮者。然囊頂尖圓者。本是妙境。而色焦紫。形亦何足取也。斯二者。均血被火灼。血劇則變也。大都不治。得無他症而顆粒磊落者。容或可治。熾熱者攻而寒之。更導其瘀。熱不甚者。攻而導之。兼達其閉。

附頂平腐色治驗

同袍陳宗老。止宜老先生長公也。出痘于幼時。顆粒亦朗。其頂平平。若爲火熨者然。其色白如宿腐。盤暈嫩赤。心煩壯熱。以滌邪救苦湯。去澤瀉。加地



刺備理  
丁生地丹皮。日服二劑。大便日解二三次。次日三朝。佐以大棗蟲。每日二枚。前方服及六朝。頂漸起而根漸活。宗老岳翁。舉其族中一同道至。以頂平而白。認爲氣虛。拘古法。而傍日期。直用保元湯。陳老先生明理。信任弗貳。前方服及十朝。減滑石。紅花。棗蟲。服至十二朝。亦得次第奏效。十四朝。收痂燥硬。身熱未和。根底尚附線紅。此熱毒未盡。將來餘毒之象也。倍用生地兩餘。外加石膏亦如其數。并金銀花。玄參。貝母。十六朝。餘毒聚于頸項。腫痛非常。強直不能俯仰。周身泛疤。寢食俱廢。又加地龍五條。一方服及廿四朝。始得脫然全愈。

附頂如煤治驗

王偉之兄。紹賓老先生之孫也。一公郎三歲。痘密如鋪。郭殼。發紅。其頂黑如煤。儼若火焯者。大都居半身無安放。體不甚熱。以毒伏於內也。以必勝湯。每服和豬尾膏半盞。服及三朝。更和大棗蟲以佐之。七朝。頂與郭殼俱轉紅活。減桃仁。乾葛。蟬蛻。加當歸。八朝。身體壯熱。有放白成漿之勢。飲食大進。



神情開爽。見景象進長。情爲無恐。而藥卽懈弛。次日仍復躁亂。燥痒難禁。兩額搔破。痘色變而紫滯。悔之無及。速以臘脂膏貼其破傷之處。前方加黃連。重以大桑蟲一枚。和於劑內。連接二服。諸症減半。兩頰膿水滲溢。痘色復轉。繼而成漿結痂。神情寢食俱安。以一方貫之。十六朝而得收功。

附頂陷根腫治驗

有一陳氏子五歲。見痘于隆冬。頂陷且深。時雖嚴寒。却頰渴躁亂。唇裂迸血。頂雖深陷。囊實根腫。而色乾赤。此氣血爲熱毒壅遏。不得申其領載之權。以故陷而不起。非寒凝不透。尤非氣虛不峻也。一始事者。不諳其理。徒以升發爲事。累日不起。至六朝驟然作痒。手舞足蹈。竭定痒之法而莫禁。痘色更晦。頰頰乾嘔。此翁計無所施。謝絕去矣。據膿未成而痒沸。症固危篤。猶幸兩額擦而未破。更憐其未得對病之劑。而竟棄之。覺爲不忍。先以胭脂膏貼其兩額。以必勝湯減桃仁地龍。加黃連錢許。蜜炒麻黃二分。臨服和大桑蟲二枚。日服三頭汁。大



便去三四次。俱如膠漆。伏毒一鬆。頭面卽脹。而痒遂定。上身亦起。又二劑色轉紅活。而渴愈甚。體熱更熾。是毒火發見之象也。下身猶然板滯。減麻黃。加石膏。酷好橘。非此不藥。每服必五六紀。至十朝頭面漿足。下部亦鬆。減葛根。十二朝。頭漿斂。而身漿徧。飲食得進。神情未開。前方減蟬蛻。棄蟲。十六朝。諸症脫然。痂落過半。始易忍冬解毒湯。調治未及兩日。身復炮熱。眉宇復愁。有發一毒。周身泛疤。復加黃連赤芍。外又以牛黃化毒丹。日服錢許。至

廿四朝全愈。

附頂與色不侔治驗

朱石公兄。五歲一孫。痘初見點。火熱如爐。悶亂喘急。昏暈如迷。遺尿目閉。正面一片礬紅。隱隱細如針刺者。目之有點。按之無粒。身上數點。而色焦紫。勢甚危篤。所冀惟在初見。以清涼攻毒飲。重以大黃。減犀角。加地丁。桃仁。蟬蛻。二劑後。額卽透發。成粒。通身俱透。點成顆。而且圓綻。惟色紫滯。神情半開。又二劑。額卽光澤。身猶未轉。外佐以大棗。蟲四



朝紫漸變紅而未潤。服及七朝。頭面成漿。周身放  
白。胃氣未開。前方減桃仁紅花蟬蛻丸。朝思食。而  
壯熱未減。盤暈嫩紅。重以生地兩許。防其成火。禍  
也。服及十二朝。諸症貼然。漸收。漸褪。後易忍。冬解  
毒湯而愈。

申明痘佳症惡

痘之吉凶。世多還以痘準。如窠粒圓綻。盤暈肥紅。更  
兼踈朗。人人日之爲順。何虞其有覆敗之患哉。不知  
痘象雖佳。症或凶暴。若以痘美而致忽焉。繼必痘隨  
症變。秀而不實矣。然症與痘俱由內而發。何以痘旣  
若此。症又若彼耶。蓋痘出于險者。毒恒有隱見不同。  
發見處。則氣血暢達。領載其毒。痘故得以光壯。隱伏  
處。則氣血錮閉。毒無駕馭。橫症所以旁出。卽以痘觀  
之。稀疎處可以數紀。稠密處無以容針。衝突處。至於  
重頂。陷伏處。過期不透。卽以症言之。體熱如烙者。肢  
冷如水。傾瀉如注者。倏爾閉塞。毋惑乎痘無可虞。而  
有可畏之症矣。症不必多。美難勝惡。犯一痘忌。大局  
隨之。順不嘉多。逆嫌一點。此之謂也。



附一治驗

陳錫甫兄。七歲一公郎。痘見三朝。勻朗粗綻。色甚肥紅而少淡。痘象頗佳。身却熾熱。愁容可掬。徹夜不寐。云胸膈悶而不快。假令傷食而然。痘其不能煥發矣。今紅而且深。綠毒火湧盛。氣血領載。有及與不及。所不及者。毒在于內。而故有此症。以滌邪救苦湯。減紅花澤瀉。加地丁四劑後。大便去三四次。胸膈便爽。睡臥亦安。熱亦減半。因痘可觀。攻不敢過。前方減大黃三劑。至七朝前。態復然。痘覺停滯。求其故而未得。忽喉間冲冲欲吐。俄頃咯出濃痰于乃尊之手。痰熱如湯。以見攻之未可已也。前方倍以大黃二劑。通身放白成漿。諸邪復退。惟熱未和。一方服及十二朝全愈。是痘因形色而忽其症。至變紫變黑而斃者。不可勝紀矣。

申明痘白雄標

痘若稀疎。其毒似輕。淡白。則痘似不足。至于標痘。或紫或焦。或盤暈焮赤。中心黑陷。按之板實。是謂雄標。係一身痘瘡之主。主痘若此。則其稀者。諸痘為梟毒。



抗拒也。致伏于內。故若稀。非毒輕也。白者。血爲毒鬱。不得外著。故白。非不足也。急宜刺之。吮出其毒。用胭脂膏封貼。視其神情內症。輕者以活血透毒。重則必攻。令毒根一鬆。通身透發。而白變爲紅矣。

附一治驗

凌長康兄一孫。二歲。身不見熱。驀然左額一報痘。脚地扁闊。色赤而乾。中心黑陷。按之板實。身有三四點。似痘非痘。俱淡白色。已三日矣。寢食如常。神情如故。所以然者。以痘之所中有淺深。淺者其毒鬆。其出易。形圓而色潤。深則反是矣。機雖萌動。全體尚伏于包孕之地而未發。故若未痘者然。及所報之點。却如此形色。若不杜患于將來。任其自至。有越六七日。或八九日。有十數日外。湧出如麻。非紫黯。卽椒紅。而不可救藥矣。有所謂等伴痘者。卽此是也。令將銀針挑破。胭脂膏貼之。以必勝湯。減桃仁生地。服及五劑。日以大桑蟲一枚。而身始熱。大便連去三次。通身透發。痘得踈朗。奪其勢於未成也。窠囊尚不鬆泛。又四劑。圓綻光澤。標痘根擡。



頂腐。神情愁楚。以全軀毒湧未得成熟也。前方減  
葛根蟬蛻服及十二朝收功。

### 申明飛漿

痘期十四日。自放點以至落痂。猶十二卦之陰陽消  
長也。當初出一點紅。血初定位。純陰坤卦之象。陰極  
陽生。漸而復。復而臨。臨而泰。三陽透于頂尖之上。陽  
交于陰。氣會。吸吐。紅而變白。五朝大壯。六朝夬。  
七朝乾。六陽呈象。血受氣化。而至純陽。痘故白變爲  
黃。所謂七漿八足。是則爲膿。成膿而色自黃。是痘之  
應至而至。陰陽自然之理也。若未及三朝。諸痘未能  
放白。數點驟然黃熟。綠爲烈毒所衝。故爾漿成迅速。  
是謂飛漿。止一二點。熱不甚熾者。以針挑之。用胭脂  
膏對貼。但與涼血清解。自放白成漿矣。如其迭見不  
已。熱如炮烙者。必攻。僅與清火涼血。終必焦紫。不能  
救援者也。

### 附一治驗

洪崖王老先生一孫。三歲。漢章兄之公郎也。痘紅  
如絳。熱熾如火。徹夜不寐。急以涼膈攻毒飲。用生



地三錢。大黃錢許。日投二劑。三朝大解。僅二次。劑  
輕不能駕馭。頭面起二點飛漿。老黃如蠟。紅艷漸  
滯。前方用大黃三錢。生地七錢。石膏兩許。連投二  
劑。挑破飛漿。點以胭脂膏。是晚得臥。熱亦稍和。重  
劑減十分之三。五朝又起飛漿十數點。景色復然。  
仍以重劑服至七朝。放白。八朝成漿。寢食俱安。惟  
熱未減。十朝漿老。頭面有斂意。紅暈未淡。十二朝  
足小股。起一癰如桃。夜夜不寐。以胭脂膏敷其四  
圍。剝出其頂。一方至十六朝出膿。諸症平復。口生  
痘疔。佐以消疔解毒散吹之。方易忍。冬解毒湯調  
治全愈。

### 申明泡湧

痘瘡氣盛則泡。氣盛者。毒氣盛也。毒氣雄猛。反成遏  
鬱。遏鬱之極。內有衝突。以物極則反也。遏鬱處。頂平  
頂陷。窠粒不鬆。連肉亦有板實者。衝突處。毒鋒如射。  
膺其鋒者。囊隨毒起。泡之有自來矣。所起乃邪殼浮  
皮。不爲氣領。而囊故飄薄。不受血載。而根故無暈。氣  
血關鎖之極者。色白而囊空。氣得浮動者。內涵清水。



血得浮動者。水若澁魚血內凝者。其色紫。血幾于死者。其色黑。宛若一葶桃之形。有粗有細。酷肖其色。有白有紫有黑。而有若醃魚水色也。總爲毒氣衝突之使然。症屬不治。但於放點之時。窠粒不鬆。根無盤助者。知其泡所必至。卽以驅毒鬆肌。杜於未萌。斯爲良法。有膿成之後。過期不斂。膿化爲水。數粒相併。而若泡者。以針挑破自乾。不爲泡論。

附一治驗

一施氏女。十三歲。痘患血熱氣滯。窠粒不鬆。紅盤肆溢。徧體如霞。以貧窘不事醫藥。八朝湧泡。幾三分之一。餘俱平板。九朝泡俱破傷。其浮皮有如麥殼。破傷之色。乾赤有如膚剝。火熱如炮。痛楚非常。衣衾難動。症在垂斃。厥父母哀號悲切。余憐其坐一視以貧。而就死地。未免希援於望外。以生地兩半。石膏一兩。大黃三錢。與衆藥同煎。三錢。臨起。接下。餘佐以荆芥穗。地丁。赤芍。山查。青皮。木通。接下二劑。連解六七次。破傷處俱有膿水濕潤。平板者。畧覺鬆浮。又二劑。通身毒化成漿。頓思飲食。再劑而







輕惟生地與丹皮。荆芥連翹紫草宜。重可用輕輕勿  
重。輕重惟於痘上憑。或紅或紫艷如霞。躰熱如炮重  
莫加。僅若清涼非重劑。終歸焦黑斷無差。詳明輕重  
熱爲先。熱盛應知血劇焉。熱重涼輕何克挽。熱輕涼  
重恐生寒。紫有點滯紅椒色。身反溫涼熱又潛。毒火  
潛藏血又瘀。血瘀寒苦又非宜。破瘀攻毒斯良法。火  
透身燔方可除。兒體強弱可無拘。弱體當炎更易格。  
有病病受原無損。聽彼蒸煎痘可知。本體尚爾難固  
執。首尾何須又執迷。更有亢極戰如寒。面赤瘡紅身  
極燔。火迫大腸頻下利。神煩思冷體炎炎。火湧頭面  
赤。騂騂熱血醃皮痒。自侵胃難受。殺惟思飲。舌刺唇  
焦體若蒸。血皆熱極貌皆虛。參合端詳顯易知。當事  
幸毋云法古膠持。規則誤人兒。

清火窮源論

問痘緣何用清火。只因虛燄獨炎炎。不第肺金愁彼  
爍。坎宮五液畏其煎。五液所關滋五臟。離宮亦藉有  
丹田。萬物化生皆賴水。人身資水更何言。一生一剋  
本天成。水火攸關又獨深。木受水生寧第木。金爲火



尅豈惟金。試聞坎離生與尅。痘宜清火殆非輕。

腎主五液一爲涎。涎養脾陰已土安。胃本陽明爲戊土。亦需汁養胃無愆。誰道中火無藉水。但愁甲乙不

愁南。下文詳明。

腎之液入脾爲涎。土雖得火而生。然象中坤無專氣。無定位。寄旺於四季。爲已土屬陰。其性中和而喜溫。得腎之液。生發其涎。以滋培其性。而始得運化。消磨五穀。安穀得昌。血賴之而統。唇賴之而華。身賴之而潤。肌肉以之而滋長。已土乃安。胃雖戊

土。性固純陽。然脾胃相通。達其液於胃。而胃得有汁。以見陽中有陰。得以受納五穀。胃庶無愆。不則俱爲燥土矣。燥則失其爲土矣。以證土之不能無水可知。痘若火旺。燔灼其液。必口膩如脂。唇裂肌燥。目胞紅腫。渴而喜冷。口穢噴人。凡屬熱症。類多如此。木受水生。而土亦賴水滋培者也。火能生土。火極亦能侮土者也。此論邪火不可容。真水不可涸。則然耳。若真火不及。客水泛溢。水大而土又崩。一脾所以有惡寒惡濕之理。此五行反復顛倒。其可



不知之乎。總以症之形色神情見症。及似是而非。一一而參詳之。無不得矣。

腎液輸肝。淚滿神長。生得水旺。仍然膽同津液。成爲腑。滋養此。有得成酸。所畏莫道。惟從革。火到燎原本。盡焉。下文詳明

腎之液入肝爲淚。肝生于腎。還以腎旺。肝得液養。則能以藏心之血。而滿血之量。謂之血海。目能視。筋能榮。爪能華。手能握。足能步。魂以之而能定。聲以之而能呼。皆津液外旺之象也。膽爲之腑。一氣

相通。同爲津液之府。得以發陳而主春升。以遂其直達之性。而總成其爲肝。獨歸乎淚者。淚尤肝之精華也。淚足則血無不足。人故有過泣。至于淚不能繼。則血矣。以見血卽淚。淚卽血。木之藉水可知。不則肝爲槁木矣。痘若火旺。煎及其液。肝液沸騰。目必多淚。其淚必熱。甚則有如膽汁。更有流血。舉一而言。凡肝熱可概。其長生于水固然而帝旺仍需于水也。固畏金尅。不知受虐于火。更甚于金也。崔真人云。火不出則薪存。火發于外。薪之盡矣。



潤下從來剋上炎。誰知作苦反根鹹。令無腎液生心  
血。君宰神煩洩亦艱。須解象離非燥火。燥炎不輯自  
終燔。下文詳明

腎之液入心為血。心為神舍。係一身之主宰。得其  
液以養。而神始寧。慮事不煩。處喧無惡。外應舌榮。  
內行血海。以見火亦不能無水可知。存言汗為心  
液者。此言心之汗也。有心血。而有汗。所以奪血  
者不奪汗。心固屬火象。離下必需坎應。方為水  
火既濟。而成其為火。是謂坎離交媾。非燥火也。故  
分火論云。久而不輯。將自焚矣。痘若火旺。燔其心  
液。輕則煩躁。重則顛狂。緩則舌燥。急則黑刺如煤。  
或舒或弄。小腸乃心之腑。本同一氣。輕則短縮如  
油。重則溺血如膏。舉一而言。其他可知。第知火生  
于木。何知水足以濟火也。知水能剋火。孰知火還  
以自剋也。

位武本是兌金生。那曉西方得坎成。涕滋氣主根何  
在。傳送和調得任因。若遇炎炎尤所畏。由來火熾不  
容金。下文詳明



腎之液入肺爲涕。肺爲氣之主。諸臟之華蓋。得其液以滋養。通調水道。運行百脉。潤乎一身。分布四體。以輸降下之令。鼻得之而竅。能悉香臭。咽得之而清。聲音嘹唳。皮毛得之而潤。不至燥澀。大腸爲之腑。因之而傳送。得以和調。大便無愆。以見肺之賴腎可知。不則肺爲燥金矣。燥則不成其爲金矣。痘若火旺。銷燦其液。鼻燥咽乾。皮毛燥炙。便閉衄血。咽痛聲啞。甚至便血。瀉則暴注如射。凡屬燥金。可概金木生水。抑知金反資乎水耶。慮火剋金。抑知助水有以制火也耶。

南方木畏北方剋。縱有炎炎當易滅。誰知杯水與車薪。那論相生與相剋。腎主五液且猶然。餘臟當之何足說。詳明下文

腎爲五液之主。諸水發源之地。其爲水也。無成名。無定液。形其無形。乃爲形君。兩目瞳神。其真水也。褚氏云。天地定位。水位乎中。雲興雨降。百物生化。賴有水焉。人肖天地。亦猶是也。以故腎之爲腎。木得之而能生。火得之而克濟。土得之而能培。金得



之而能潤。克之本位。而精髓洋溢。耳聰目明。骨力  
堅強。炎暑而不畏熱。藏精納氣。以待發陳。諸臟均  
以賴焉。五行之關乎水也如此。若火之爲暴也。金  
遇固燥。木遇則焚。土遇雖生。過而又燥。本位過極  
而自焚。諸臟之畏其虐也固如此。其所畏者惟水。  
此造物相制之權。五行生剋之理。乃若火旺水衰。  
燔灼其腎。猶之杯水車薪。日受其燔。其臟必至腦  
髓空虛。遺精盜汗。骨蒸夜熱。軟弱無力。五色眩而  
五聲聾。人其失志。面色如糞。失其閉藏之令。反爲  
火所竭矣。水且猶然。而何有于他臟也。痘若火旺。  
煎熬及此。則無臟不銷。無臟不燥。不但重而險。必  
至逆而莫挽矣。千形萬狀。惡症難悉。大都於色。則  
瀝墨塗硃。於形。則迸裂泡湧。於症。則空竅失血。腰  
如破杖。於神情。則瞳矇失志。躁亂不寧。其大畧也。  
人知水能剋火。抑知水反爲火竭耶。知五行生剋  
之常。抑知水火玄關之奧也耶。此論邪火則然。如  
元陽真火。賴以生發。賴以鼓盪。賴以暢茂。賴以成  
熟。五行得之。亦豈小哉。



醫無瀉法是真詮。養病息火誠秘訣。火之爲病其症  
暴火之殺人其死卒。火有君相局不同。君火猶容緩  
調變。相火厲局始其然。客感邪陽尚難滅。痘瘡毒火  
種先天。更慎基令交相賊。勸君莫把等閒看。蹉跎因  
循令猖獗。猖獗之時枉用功。生死安危爭頃刻。

清火症治集

欲明清火之理。不可不窮其源。欲善清火之法。不可  
不察其症。如痘已發未發。以至成痲落膽。身熱和平。  
更不見有煩躁乾紅燥烈之症者。此痘疹應有之火。  
而無事清之者也。犯此煩躁數項。身卒不熱。反有溫  
涼。或有肢冷者。是隱伏之火。先透發以達其鬱。而未  
可遽清者也。若熱則火發見矣。發見而無其惡候者。  
以荆芥連翹丹皮木通牛旁輕以清之。壯熱而煩躁  
者。前藥加生地滑石甘草。壯熱而乾嘔口膩者。前藥  
加黃連滑石。壯熱而痘色乾紅色滯者。前藥加黃連  
赤芍青皮紅花紫草。壯熱而燥烈者。前藥加黃連生  
地。壯熱如炮而燥炙者。前藥加黃連石膏大黃生地。  
壯熱而皮毛若刺者。前藥加黃連桔梗葛根蟬蛻紫



草大黃壯熱而叫喊不已者。前藥加大黃青皮赤芍  
黃連壯熱而鼻衄如泉者。前藥加大黃生地玄參犀  
角黃連壯熱而溺血者。前藥加黃連山梔大黃生地  
滑石甘草壯熱而腰如被杖者。前藥加大黃牛膝黃  
連地丁玄參壯熱而大渴不已者。前藥加黃連石膏  
生地花粉壯熱而瀉水如注者。前藥加黃連滑石甘  
草澤瀉壯熱而大便欲解不解。所解如漆如膠而愁  
楚者。前藥加大黃滑石青皮黃連赤芍壯熱而大便  
去紫黑血者。前藥加黃連大黃桃仁赤芍壯熱而筋  
抽脈惕者。前藥加大黃青皮黃連稍佐小柴胡羌活  
壯熱而睜毛倒豎者。前藥加大黃赤芍青皮壯熱而  
目紅如火兩頰如硃者。前藥加大黃生地赤芍羚羊  
甘菊壯熱而狂言弄舌者。前藥加黃連生地甘草犀  
角壯熱而痘色紫艷或焮紅或唇舌無皮者。前藥加  
黃連生地石膏玄參壯熱而痘間硃砂斑或紫背浮  
萍或紫黯色或發疔者。前藥加大黃桃仁赤芍地丁  
黃連地龍豬尾膏壯熱而痘有貫珠堆聚或面目預  
腫或窠粒不鬆或皮肉腫硬者。前藥加黃連大黃地



丁紅花青皮猪尾膏。壯熱而唇黑如煤。舌起焦刺者。前藥加黃連石膏生地。佞參。壯熱而目生翳障。或過期不開者。前藥加黃連生地甘菊羚羊殼精草金銀花。壯熱而發痘癩者。前藥加。歸尾羌活貝母金銀花。佞參赤芍甘草。癰硬而熱更熾者。再加黃連大黃地丁。壯熱於放點之時。細碎如針砂者。前藥加大黃青皮地丁猪尾膏。熱更如火。色或礬紅或紫艷者。更加石膏桃仁生地赤芍。二三劑顆粒分明。色轉紅活可治。壯熱而頭汗如淋者。前藥加大黃石膏黃連。汗收者可救。壯熱於結痂之後。神情尚楚。猶不思食者。必有餘毒伏而不透。前藥加大黃地丁黃連蟬蛻生地。壯熱而起牙疳。前藥加黃連花粉貝母佞參甘桔。調入牛黃珠末。此症治之大畧也。若夫細微曲折。筆所難罄。推而及之。無遺蘊矣。痘症始終不可無熱。尤畏其壯熱。熱一過當。凡屬水位。或被煎熬。或被沸騰。或被燥烈。或被焦粘。為害可勝道哉。但有緩急輕重之不同耳。因其緩急輕重而因應之。治火無不當也。歟。

涼血清火不拘首尾論



痘瘡涼血清火。於起脹時。人人之能事。至於放點成膿結痂之際。知之者或寡矣。以爲痘之出。非熱不發。時方見點。以鬆肌透毒爲主。遽用寒涼。毒水不發。發亦不透。如春溫得以生發也。不知正取其溫。不欲其熱。若春行夏令。時便酷熱。萌芽有不稿乎。是拘於熱則行。冷則凝之。詭誤之也。化育之妙。在不偏枯。獨陰不生。獨陽不長。毒火旺極。始卽炮熾。五液沸騰。痘其氣血領載而出。氣爲壯火所蝕。血爲烈火所燔。痘其何自而出。徒以透肌升發。俟其起齊而後涼解。毒已

內攻。痘其焦紫矣。是謂火裏苗。未有能秀者也。試比一物。其理豁然。譬之欲得乳鴨。煖其卵則生。寒其卵則隱。如欲其煖而置之於烈火之中。以炙之。所欲其可得乎。痘之漿。非熱不貫。以氣煦血化而成。如夏熱得以成熟也。寒涼恐氣失其煦。血失其化而膿漿何自。不知夏熱象離。離下必需水濟。如亢旱之年。惟有烈日。萬物亦自焦枯。血熱其猶是也。亦有疑而相詰曰。失治于前者。其象如此。放點及今。清解已多日矣。從前功力何在。熱毒其猶熾耶。曾聞痘毒出一步。則



內空虛一步。邪熱縱有未盡。當亦毒隨漿化。卽血熱者。不至敗於虛寒。當無事溫補足矣。緣何尚有虞焉。吁。總不知偏枯缺陷之理者也。輕淺者易清。重極者難徹。血熱之極者。偏僻於火。期至八九日。如日至中天。歲當三伏。於少陽初起。尚卽焯熾。至此純陽旺極之際。烏能便解。若從前失治者。至此亦無可清解矣。火得一分清徹。漿得一分融化。間有平時血旺之人。足以禦火。不至焦枯。迅速促成漿極黃老。然絕無榮活滋潤之意。頂平囊實。是謂板黃。不諳其故。而謂膿成毒解。遂致誤焉。終亦必亡而已矣。論痘之痂。非熱不結。俗語謂蒸痘回。見火不宜熾。始終不可無漿得肥濃。所冀惟在收斂。有生長。應有收藏。亦天地自然之理。痘至於斯。用燥濕斂陰。實脾利水之劑。以助其收斂。結痂自是宜然。仍復涼血。以助其濕。清火以寒其胃。寒凝太過。中氣必虧。漿卽肥濃。不幾始實而終虛乎。痘將何以終局也。如曰毒火未清。漿何能足。化毒成漿之謂何。而猶云未盡也。嗟夫。是但聞毒化成膿之說。而未知血盡毒解之理化。毒成膿。蓋言氣化



囊窠之毒也。血盡毒解。蓋言根盤血分之毒也。血有一絲之未收。毒有一絲之未解。氣之振作易。血之成熟難。以氣輕清而無形。血重濁而有體。氣尊於中。氣清。頂所以陷而能起。起而能白。白而能黃。漿雖血之體。而鼓盪之權操於氣。氣毒不清。血其物而不化矣。血附於外。血清。盤所以紅而能淡。淡而能收。收而能盡。血雖氣之輔。而乘載之體。在乎血。血毒不清。氣亦歸於淪喪矣。况云化者。頑而至化。毒將解而猶未盡也。解者化而至解。毒其盡而無餘也。故囊極融化。根底血附線紅。其毒未爲盡解。乃若紅暈焮赤。身熱未退。但見漿足。卽與溼滲收斂。毒卽隨水而乾。未盡之毒仍歸于內。其騰乾焦燥。便入皮肉。輕則發癩。發癩重則發疔。更有悶亂喘急。而莫可挽矣。可勝道哉。古人云。氣足血收。痘始成功。斯言不我欺也。

附一治驗以見大意

雒城周彞仲老先生。一令郎。卽今之長公也。五歲出痘。于初夏大熱如火。煩渴不止。兩頰通紅。隱隱如針砂。身上稠密如鋪乾紅。滯色二三同道以危。



疑而推委。爨老憂慮而致廢寢食。余慰之曰。毒火誠烈可畏。幸得發揚。治之得宜。當無患者。主翁稱謝不已。以涼血攻毒飲。加黃連三錢。生地六錢。連投三頭汁。次日額上紫壘成珠。第燔熱更熾。前方加石膏七錢。黃連四錢。每服種大桑蟲一枚。時有徐培老至。與余甚合。是方服及八朝。色得紅潤。前方減乾葛。蟬蛻紅花。九朝放白成漿。十朝正面便有斂意。及盤暈未淡。熾熱未和。恐防火禍。重以生地石膏各兩半。黃連五錢。以制陽光。不令驟斂。毒復歸于內耳。血熱之症。不慮難收。惟慮熱毒未清。乾收爲患。不得以九回十褐同論也。服及十三朝。面癩已老。身厲將半。胃氣漸開。熱亦稍和。有一友用白芍錢許。助其收斂。是晚煩擾不寐。未必因此作祟。見血熱之不可爲收斂計也。次日頭面赤腫。身熱復熾。煩擾如初。是餘毒湧發之象。悉如前方。加蟬蛻。日服三頭汁。次日十五朝。發出血疹紅癩。自頭至足。無不編及。夜卽安睡。神復開爽。而熱未和。是方服至十七朝。方得霍然。以忍冬解毒湯加



羚羊穀精草。以日白紅也。廿朝外全愈。

分別毒火論

毒與火自有相因。亦自有不同。有火者。必其為毒。有  
毒者。未必其皆火也。毒盛而發火者。有之。未有火盛  
而毒不盛者也。如血熱毒盛者。血屬陰為寒。陰且熱  
矣。有陽而反寒者乎。其為毒也。自火發無有血熱而  
兼氣虛者也。是火即毒矣。如氣虛毒盛者。氣屬陽  
為火。陽且虛矣。有陰而反熱者乎。其為毒也。又寒。故  
不見有氣虛而兼血熱者也。是毒與火無干矣。然虛  
者。固未有不寒。即毒之實者。未必盡出于火也。是以  
苦寒之劑。自無投于氣虛之理。即毒之雄猛者。亦還  
宜精察而明辨者矣。有如梟毒而濟烈火。並行交迫  
治火治毒在所並進。不容偏廢。有如毒重而火輕者。  
治必因其輕重而輕重之。不得混而無別。有如毒火  
太重。而致遏鬱者。必先攻其毒。而後清其火。宜知先  
後。有如無症不實。而火無可據者。不得以實為火。妄  
投寒劑。致毒凝而冰伏。甚哉火毒之不可以不辨也。  
○凡疔囊窠蒼老者。其毒為實也。老而踈朗者。毒輕



者也。分珠而密者。毒盛者也。既密而間貫珠堆簇。成  
形成象者。盛而尤重者也。密而不成顆粒。與稀而形  
象繁多。更見要害之地者。類多不起者也。毒雖猛。而  
能起能脹者。毒其見于外也。痘雖稀。陷而板實者。毒  
其伏于內也。○凡痘紅而色老者。實火也。老而能潤  
者。火實而輕者也。老而色乾。或紅而絳色。紫若胭脂  
者。均火之凶暴者也。紅而更黯。紫而更滯。俱淪于莫  
挽者也。以見毒辨于形。火至于色。然毒之輕重見伏  
皆在于形。火之輕重見伏。全不在乎色也。又當於體  
膚之熱與不熱。以證其見伏。○如徧體壯熱者。火其  
見于外也。色卽紅紫而體膚若涼者。火其伏于內也。  
身壯熱而肢獨冷者。因氣滯而火偏伏也。有身燥熱。  
頭汗如蒸者。火土湧而毒參陽位也。有靜則燥炙。動  
則汗洩者。火閃霎而無定也。是火與毒之呈于形色。  
昭于體膚者如斯。乃若神情見症。亦未始不昭其辨  
也。如愁眉蹙額者。痛也。諸痛皆毒。叫喊不已。皮毛若  
刺。轉側呻吟。屈伸甚楚。脉惕筋抽。衣衾難動。便時艱  
寒而容愁。卒然啼號而聲厲。此皆痛之象。而毒之徵



也。○如躁亂不寧者煩也。諸煩皆火。不耐衣衾。夜不成寐。惡聞人聲。惡見人形。若欲求食。食之而又不欲。似欲思安。安之而又不樂。此皆煩之象也。如皮壅肉腫者滯也。諸滯皆毒。鬱悶不舒。身如捆綁。胸填腹滿。面目預腫。通塞不均。此皆滯之象也。如唇焦舌黑者。燥也。諸燥皆火。大渴不已。口內如爐。溺血便紅。憶水畏冰。狂言譎語。此皆燥之象也。是痛是煩。若滯若燥。總歸於以熱爲見。以不熱爲伏也。○治毒之法。審其輕重爲先。輕而發見者。治之以解散。輕而隱伏者。治之以透發。重而發見者。輕與之攻。而重與之散。既重而又隱伏者。重與之攻。兼透而兼散。治火之法。察其隱見爲先。發見而輕者。治之以涼解。發見而重者。治之以苦寒。隱伏而輕者。輕與之攻。而重與之散。隱伏而又重者。重與之攻。而兼與之散。攻毒不嫌于早。治火其於適時。攻毒當厄。可以該治火之効。治火失宜。更有以妨治毒之功。假令失于清火。其必紅變乾焦。紫變焦黑。可勝道哉。外有當然之火。自然之毒。又非一概論也。有如痘脹而頭面發腫。眼封鼻塞。漿滿而



身重難移。肢浮體胖。項大聲粗。回漿發臭。此非自然之毒也乎。氣領血載。非熱何能達表。氣煦血化。非熱何能黃熟。漿老成痂。非熱何能收結。此非當然之火也乎。只合行其無事而已。亦何分別之有。

救偏瑣言卷之八

論行漿

痘之體。始終一血而已。痘之用。始終一氣而已。血之體成漿。氣之用化血。漿之成血。之化也。血之化。氣之虛也。氣虛血化而漿始成。漿老則為膿矣。血不得氣。則頑而不化。氣不得血。則鼓吹無地。氣血虛餒。則寒凝不振。毒火燔灼。則氣血沸騰。氣為毒綱。則氣不動。盪囊窠不鬆。平陷乾焦。血為毒綱。則血不融通。盤暈不活。乾紅紫滯。血足而氣不足。歸附厚而囊薄。漿不



克溢氣足而血不足。窠粒壯而暈淡。漿不濃厚。以見虛則乏其本。而漿無所化。實則受其虐。而化不得行。是則行漿之理。有當制以洩其過。有當助以補其不足。不可專以保元為則矣。然補與為之。形色症狀。不可殫詰。卽逐一指之。未必無似是之誤。約之於虛實之的。則靡弗齊也。虛則斷無熾熱之理。熱劇似寒。則有之。未有虛而熾熱者也。實則斷無皴濕之象。虛而乾樵。則有之。未有實而皴濕者也。是謂江河一點血。辨別虛實之妙訣。不必拘其便與食。戰與滑。作痒責以氣。咬牙責以血。紛紜雜揉之象。悉於此而總括矣。痘無可議。漿忽停駐。此必因調護失宜。飲食失節。起居不時。香穢阻塞。是亦不可不察也。

論補氣

問痘如何用補氣。形色神情症悉虛。氣虛之痘。身不熱。縱熱溫和。非熾烈。皆寒伏火儘多涼。形色現症是迥別。氣虛之痘。色不紅。縱紅嬌艷。不蒼實。血虛血鬱白恒多。非若氣虛終嫩色。肉虛不振。少克肥。或平或陷。根盤癩。皮薄肉軟。嫩溶溶。到得成漿。漿不濃。漿未



稠濃頂未滿。進退浮沉漿忽停。輕不肥濃不蒼蠟。重  
若錫皮如灰白。儘有漿色亦堪回。到得收回不能結。  
儘有漿薄望堆沙。面不堆沙腫欲鼈。亦有當頂如針  
刺。漏出清漿頂陷白。亦有痲薄痘疤凹。疤色淡白無  
血澤。神情懶倦語話慵。重語聲輕音澁澁。氣虛之症  
亦繁多。總無烈火灼皮膚。惟有濕潤無燥烈。脉微緩  
弱無數實。此痘若還有別症。種種將來作虛論。不惟  
寒戰助元陽。痒癩方思固氣分。縱有似熱正由寒。寒  
極生熱古論定。毒即雷連總屬虛。治毒亦須還養正。  
呻吟不寐莫猜煩。累日不鮮毋虞結。眼封日久非毒  
壅。求飲頻頻豈火渴。推之疑似且無差。明明虛症充  
易識。知其虛寒看輕重。重不早圖必虛脫。

### 論補血

問痘如何當補血。色不榮兮嫌淡白。囊殼僅僅非空  
飄。囊竟空兮補何益。盤暈歸附亦不厚。竟若無盤難  
轉易。補血之功較氣難。氣主神兮彼屬體。點點有形  
難促致。長養工夫由平素。放點一見色欠紅。便慮成  
漿漿不濃。漿若不濃毒不盡。毒一不盡多別症。即使



收回騰必薄。痘痂飄薄。疤亦白。凡見血虛。須預補。根得紅。分漿自足。漿足收回。痂自厚。疤得榮。分皆血力。始終得血。體無虧。體若虧。分必令實。有孩稟賦素血虛。有兒本質多內熱。恒有痘。與娘相逢。亦有痘與經相值。又有善。屢貫腸紅。儘有疹後。痂方歇。此等皆令致血虧。放點雖紅。終慮白血熱。宜攻毋問體。血虛偏宜顧本質。欲審其虛。人必清唇。口溫潤。無燥烈。痘無癩點。雜其間。按其體。膚無熾熱。不則縱使色不紅。是為痘中血鬱白。約是真虛。芍與歸。倍用酒蒸。淮熟地。血鬱用芍。反提火。歸味辛香。反助熱。白芍酸斂。尤不堪。熟地庶幾終賦隔。若使血虛兼滑瀉。歸地潤腸。亦不合。惟有嫩鹿茸為良。佐以川芎。功莫及。參芪同用。亦相宜。由來氣有生血力。

論實表

何為表。勝裏是也。何為實表。固氣是也。氣為一身之衛。內主克寒。外護勝裏。氣虛于內。則餒而不克。衛護無力。而致表虛。表虛則勝裏不密。而氣難存養。氣又因虛而致虛。而虛愈甚。故表虛之痘。客感易侵。已發



未發之時。若有表症。便當疏邪實表。以豫防其起發。不振。起發之後。痘之虛象立見。便宜扶元固氣。以豫防其痒癩之患。漿得過半。稍可以回。卽宜與飲。令氣還元。以豫慮其虛脫之地。不拘痘之首尾。兒之厚薄。但看神情懶倦。身體溫涼。而顏皸白。二便清利。唇口不乾不燥。凡此景象。按之體膚有汗者。是表虛也。若有表邪。不可專以疏散。及見囊薄脚軟。色或淡白。或嬌紅。漿清痲薄。絕無燥熱。確猛煩躁。乾紅板實。壅腫之象。卽稠密毒盛。不宜清涼。亦不可專以解毒。悉以固氣實表爲先。稍兼佐理可也。

### 論健胃

人以飲食爲命。經云地食人以五味。味有所藏。以養五氣。氣和而生津液。乃成津液者。誠資生之源。成身之本也。是以安穀則昌。必得胃氣強健。乃能受納。故人以胃氣爲本。痘瘡初放。便能食者。是爲裏實。夫固爲順。卽不能食。毒尚未透。邪害空竅。故未之思。未足爲虞。痘若已齊。毒其盡行於肌表。而內空矣。空則宜思。儘有不食者。其胃弱也何疑。至於成漿。則一身之



精神發洩於外。一身之氣血耗散於痘。其內尤虛矣。尤賴飲食相繼。濟其空乏。庶克有終。至此猶未作想。卽勸勉之。而終不知味。亦不能多。安望其成。痲而結局也。宜以保元湯加山藥、蓮、芩、棗、陳、倉米。以開助其胃。如身涼、躄倦、重語、聲輕、漿清、色白者。保元湯加白朮、木香、當歸、陳皮、姜、桂、大棗、陳冬米。以醒豁之。更有淡白、皺濕、如嫩腐皮、頭溫足冷、痲後目無精彩者。前方更加熟附以振之。痘若虛之劇者。不必待其起。齊成漿時。方思開胃之地。發始之初。便當早爲之計者也。必須以痘爲準。不見惡形惡色。不見一切燥烈之象。以症爲憑。不因毒侵火擾。不因一切閉塞之故。方可健胃。不則不可以常理論也。

附一治驗

丁巳先君治一痘。十二歲。皮薄色淡。頂平脚癢。始以透發。繼而大劑保元湯。加芩、歸、淮地膏。得以成漿。至十朝。不思飲食。主翁疑以過補。先君曰。果爾。漿必蒼老。痲必燥硬。體或煩熱。種種反是。焉得云過。以納穀散。重以參朮各五錢。胸膈豁然。胃氣大



開無物不想收。如落磨而愈。

### 論安神

心藏神。得血而寧。神寧則睡自安。安睡而神又足。兩相需而兩相輔者。諸病剝而之復。皆以睡中來也。血虛之體。痘兼稠密。氣虛者。有儘血化漿。而血無餘地。血熱者。有腐爛作臭。而侵淫日久。皆有以致血空虛。而神無所養。恍恍惚惚。不能收攝。而睡何能安。雖曰靜則神藏。寐固主靜。靜中之神不守。殆不令其藏矣。驗其症。於漿必清。於痂必薄。色必淡白。體必溫涼。一切燥熱之症。自不相涉。卽血熱者。未必如是。然人必倦乏。目必少神。重語聲輕。色必乾憔悴。一切雄烈之象。自是銷鎔。症難悉指。類多如此。一似傾國之兵。一似鬪弩之末。總歸虛論。法當以安神散治之。兼別症者。隨其症而損益焉。要不外以安神為主。

### 附一治驗

戊午一錢氏女。年十五。適值經後。痘出甚密。鬆而囊薄。紅淡而乾。身體溫和。人若失志。睡中時獨語。二三句。氣血兩虛。心神不足之症。始以養榮透毒。



湯四劑後。痘雖起發。形與色俱不振。四朝卽以保元。加裏人參每劑二錢。至六錢。黃芪四錢。至一兩。芩歸熟地亦俱重劑。服及十朝。漿僅七分。十二朝。寢食得半。痧不甚厚。疤欠光澤。十四晚。徹夜不寐。語言不清。而無頭緒。父母疑以過補使然。果爾。身必熾熱。氣必雄猛。痧必燥硬。渴而思冷。脉按洪數有力。如是不寐。方是火毒內擾。種種反是。緣以痘本不足。而又值經後。期屬心舍空虛。以寧神解毒湯。加楮子仁。用參四錢。二劑卽愈。

論血虛咬牙

齒者。骨之餘。賴血榮養而得安。榮養而欲及其餘。其及亦不易。故其生也。獨後。未衰而卽落。況血難盈而易虧者也。是以補血之功難。當養於平素。痘瘡初出。一點紅。卽血之體也。得血而載得血而漿。血虛之痘。八九日後。其血悉爲漿耗。何能有餘地以榮養其餘。所以齒牙妄劇而相齩也。此蓋血虛使然。以保元湯。大劑芩歸淮熟地。更用嫩鹿茸煎膏。以補其缺陷。斯爲良法。此必漿後而見。尤無毒火可踪。纔合是症。



附一治驗

庚申一兒。四歲。痘在八朝。漿色淡薄而滯。根盤紅。淡而乾。神倦而不容安。似躁而不能逞。身涼指冷。咬牙不已。兼有戰意。斃可立待。厥父母呼天號地。始事者曾以保元。輕而無效。余用參三錢。芪四錢。嫩鹿茸膏淮熟地膏各半盞。熟附五分。佐以芎歸。外山查三錢以行其滯。連進二頭汁。更以大桑蟲一枚服後。若時雨之化。薄者厚。淡者濃。滯者潤。冷者溫。咬牙頓止。神情遂開。嗣後去茸附。前劑分量減半。十二朝左臂發一癰。以忍冬解毒湯調治。收功。甲子以來。是症不概見矣。

論氣虛寒戰

痘瘡何自而寒戰也。寒則陽虛可知。陽虛則氣自不足。虛劇則戰自作。氣為體之克。克達於外。則密護腠裏。所以為衛。克實於內。則元陽中守。衝寒不冷。所以為陽。痘故得以領達而出。毒故得以鼓盪而化。漿故得以成熟而黃。亦何寒戰之有。若氣虛而痘密。以有限之氣。而周給一身之毒。發始尚苦于不振。至毒出



一步。內虛一步。痘得起齊。而中空空矣。漿未稠濃。而發皇已盡。頂未滿足。而力量已虧。其不寒戰得手。故氣虛之痘。於放點時。細察其無一切躁熱之症。皮薄色淡。頂陷脚癩者。卽宜預防是症。須知三禁。不宜寒涼。不宜疏散。不宜過發。於放白時。便當保元。稍兼解毒。務令養正。以化毒症。若已犯。以大劑參芪。佐以鹿茸。河車。稍加肉桂。寒極而戰甚者。更加熟附。以回陽。然必驗其囊窠飄薄。淡白無神。體倦人靜。甚則錫皮灰白。鼓領搖唇。波濕如濕腐皮者。方合是症。

附一治驗

余荆已酉仲秋。忽壯熱如火。次日卽見痘。細如芥子。色似胭脂。余是時未諳此道。先君以升麻葛根湯。加蟬蛻山查牛旁而升發之。二劑後狂煩譫語。先君以犀角地黃湯。加荆芥木通蟬蛻。以大桑蟲一枚。三劑後熱卽和。神卽靜。周身起脹。而頂卽白。以見曩時毒火之易退。聽如此。時懷娠七月。惟恐裏虛。卽以保元湯。加芎藭淮熟地白芷姜蚕。日投二劑。每劑用參二錢。其如痘密無縫。氣血不繼。至



八朝頭面灰白如錫皮。通身渾如嫩腐皮。無二搖頭鼓領。寒戰非常。危在瞬息。先君以參芪各一兩。芎歸各五錢。熟附二錢。肉桂一錢。熟地膏二盞。傍晚投下。戰即稍定。沉沉睡去。至夜半大有轉機。醒來思食。與粥兩碗。不廢所欲。次早又一劑。午後通身漿足。身體和暖。不復戰矣。前方去桂附。參芪減半。十朝腐爛作臭。膿水淋漓。以敗草散收之。約用一斗。飲食大進。神氣日爽。以參歸化毒湯全愈。論胎前熱劑。在所大忌。况桂附而重用乎。然痘犯大虛大寒。而不權其當務之急。勢必不起。可有身外之胎乎。母安則子安。理蓋如此。又當究其所以宜爾者。以其灰也。白也。濕也。皺也。身涼而神蕭索也。若是充極作戰。而混治焉。其害可勝道哉。

論氣虛作痒

痘症惟痒最惡。禁止能定者。猶可以修爲。若身不自主。必搔破而後已者。是爲外剝。毒即入裏不治。何以辨其爲氣虛耶。見點之後。三日之間。頂陷而兼囊薄。身涼而復色嫩者是也。然氣虛何以致痒耶。蓋氣能



蓄血而使歸附圓淨。尤能鼓盪而使血化成膿。膿成則毒解。尚何痒之有哉。惟是氣既已虛。而血當其旺。是血有附氣之能。而氣無制血之力。致血肆溢而不得歸附。焉能化血而令成膿。血味且鹹。醃蝨皮肉而痒自不能已矣。治痒之法。一見其象。卽以保元湯加姜。蚤。白芷。隨症宜加而佐之。庶杜患于未萌之策。如痒已作。倍用黃芪而助氣。稍加白芍以制血。其痒卽止。鋪紅如錦者。又當重加生地。荆芥以清徹之。悉用大桑蟲以鬆透其毒。面上破傷者。急以胭脂膏封貼。肢體難禁者。以荆芥穗研末。捲于紙條內。點火燂之。或以炒黃豆。盞許一包。乘熱撲之。或以茵陳爲末。與爛紅棗同搗成餅。燒烟薰之。亦治標之法也。

附一治驗。

嚴貞生兄。一公郎三歲。出痘于壬戌八朝。清漿未半。而痒沸。禁止不定。而幾破碎。眼將露縫。大便艱塞。糞少垢多。日去三四次。囊窠嫩薄。體不燥熱。紅暈則肆溢如霞。身無安放。所謂氣虛血旺者非乎。至頻解多垢。總氣虛不能化毒。毒不成膿。而故垢



從便出也。急以爛脂膏貼其兩額。用淮生地五錢。安置其血。大參三錢。黃芪四錢。振作其氣。姜蚕白。荒大桑蟲。爲催漿托頂之佐。白芍五分。東其遊行。山查四錢。木香三分。以行其滯。傍晚投服。卽睡着。夜半又一劑。次早盤卽歸附。漿卽肥濃。眼縫推脂。正面堆沙。便亦減半。嗣後收痂落靨。不脫保元清。鮮易若破竹收功。

論脾虛作瀉

痘犯氣虛。初朝以至七日候。一身之氣血。盡發於外。內已空虛。嗣後之成漿收斂。所望于將來者。是在人事之調劑。以繼之。須知氣虛者陽虛。以陽虛之痘。而陽發于外。內乏溫養可知。脾喜溫而惡寒者也。旣失其養。宜預防其泄瀉之患。魏氏之保元。陳氏之異攻。宜量度而取之者矣。若已泄瀉。則真元傾洩。毒必乘虛入裏。反攻于內。變症蜂起。危孰甚焉。亦必察其輕重。緩急而因應之。如第不實者。可以參芪茯苓陳皮木香甘草姜棗以實之。如滑瀉者。前方加肉蓯訶子以止之。如不惟囊薄而且皺。不惟色白而且灰。手指



稍冷者。氣血中宮虛劇也。前方重以參芪。加鹿茸。少許鴉片以振之。其或四肢厥冷。搖唇鼓頰而寒戰者。此元陽幾脫之象也。前方加桂附。回陽反本以奪之。是症與治。必詳察真確。而後施無不當。若臧次仲之症。是一驗也。其或體熱燥烈。煩渴乾紅。焦紫痛楚。艱塞等症。卽次數無度。純利清水。此是熱毒下利。不可言馬駝背也。自甲子以來。脾虛泄瀉之症。間或有之。不概見矣。惜乎知之者寡也。

又一治驗

馮素若一公郎三歲。其時丁巳痘出甚密。人靜身溫。囊殼不老。頂白而不肥。盤紅而乾淡。六朝眼合不緊。鼻塞而鬆。起而少脹。夫因已見氣血兩虛矣。七朝滑瀉。日去三四次。淡黃其色。口渴不已。停飲于中宮。水聲漉漉。又見土虛不能制水矣。始事者因燥渴乾紅。且囊殼無漿。不敢實脾。恐益其燥。不知燥而實者。火燥金也。宜制陽光而金自平。燥而虛者。土不生金也。宜固中央而燥自解。况痘賴氣煦血化而成。漿氣血之源在于脾胃。今瀉而身溫。



渴而停飲。紅而乾淡。囊薄而靜。種種不足。見乎其間。烏可齊其末而不揣其本也。以實脾固本湯。用參二錢。加黃芪三錢。暨姜枣。連接二劑。轉機及半。又二劑。十轉其七。漿不甚濃。却亦堪回。嗣以五味異功散。加防風白芍。收結而愈。是症今不概見矣。

東偏瑣言卷之八

高 惠建堂



